



永樂北藏

趙樸初題



图书在版编目 (CIP) 数据

永乐北藏/赵朴初名誉主编. -北京: 线装书局, 2000. 2  
ISBN 7-80106-052-0

I. 永… I. 赵… II. 大藏经 N. B941

中国版本图书馆 CIP 数据核字 (1999) 第 73752 号

永乐北藏 (二〇〇册)

出版發行

綫裝書局

(北京朝陽區春秀路太平莊十號)

責任編輯

李立

裝幀設計

顏菲菲

印 刷

中國地質科學院五六二印刷廠

版 次

二〇〇〇年三月第一版第一次印刷

印 數

〇〇一——一〇〇

書 號

ISBN 7-80106-052-0/B·1

定 價

八八〇〇〇 圓

ISBN 7-80106-052-0



9 787801 060525 >

御製

天清地寧  
風雨調均  
烽警不作  
化醇俗厚  
外順內安  
普際光明  
大正統五  
年十一月  
十一日  
陰陽和順  
百穀常豐  
禮教興行  
人皆慈善  
一統熙皞  
既往未來  
俱登正覺  
七政明朗  
萬類咸暢  
子孝臣忠  
物靡害災  
九幽六道

永樂北藏第七八冊目錄

○十誦律 續前 (本冊卷第十三至卷第四十一 美三—宜一)

.....

一

十誦律卷第十三

美三

姚秦三藏弗若多羅共三藏鳩摩羅什譯

第二誦之七

九十波逸提之五

師在舍衛國爾時有一婆羅門有女睽眼即  
名睽眼壻家遣使來迎時女父母婆羅門言  
小待作煎餅竟送時世饑儉是婆羅門勤苦  
求煎餅具作餅跋難陀釋子常出入其家語  
其徒衆言隨所入舍汝等皆隨我入我若得  
食汝等亦次第得時跋難陀釋子中前著衣

持鉢入婆羅門舍與坐處共相問訊樂不樂  
坐已是婆羅門一心恭敬問訊跋難陀跋難  
陀是大法師有樂說辯才為說種種妙法主  
人得法味故作是言大德無有羹飯能噉是  
餅不答言汝等尚噉我何以不噉即與滿鉢  
餅持出第二第三比丘亦是時餅器皆空  
壻家復更遣使喚睽眼女婆羅門還遣使答  
言小待作餅竟送更求煎餅具時跋難陀釋  
子復共徒衆來為說種種法已復持餅去壻  
家第三復遣使來喚睽眼女是婆羅門復答

言小待作煎餅竟送時壻疑瞋言是或不復  
來彼便娶婦遣使語言我已娶婦汝莫復來  
婆羅門聞是語愁憂瞋言沙門釋子乃爾不  
知厭足施者不知量受者應知量我女壻先  
相愛念以是因緣故今便棄去是人瞋恨不  
能自忍到祇洹向佛所欲說跋難陀比丘事  
爾時佛與百千萬衆圍繞說法漸漸近佛佛  
以慈心力故彼瞋即除到佛所作是言世尊  
無有是法女人所貴重物我睽眼女今已失  
去佛爲種種因緣說法示教利喜示教利喜

已默然婆羅門聞佛種種因緣說法示教利  
喜已頭面禮佛足右繞而去去不久佛以是  
事集比丘僧知而故問跋難陀汝實作是事  
不答言實作世尊佛種種因緣呵責云何名  
比丘不知時不知量不知法若施者不知量  
受者應知量佛但呵責而未結戒  
佛在舍衛國爾時舍衛城中有賈客衆用沸  
星吉日欲出行他國有一賈客是跋難陀釋  
子常出入其舍時跋難陀中前著衣持鉢到  
其舍與坐處共相問訊樂不樂坐已賈客一

心恭敬問訊跋難陀跋難陀是大法師有樂  
說辯才為說妙法是人得法味故言大德無  
有羹飯但有行糧麩能噉不答言汝等尚能  
噉我何以不能即與麩持出第二第三比丘  
亦如是賈客麩器皆空是賈客往語賈客主  
言我所有行糧沙門釋子悉持去盡小待我  
更作糧食賈客主言諸賈客欲涕星吉日去  
云何得住汝但辦糧徐徐後來諸賈客在前  
去者眾多賊不敢發是一賈客辦糧已與少  
伴共入嶮道賊發奪物殺是賈客如是名聲

流布諸國作是言釋子比丘食他行糧是賈  
客嶮道中為賊所殺一人語二人二人語三  
人如是展轉相語諸沙門釋子比丘惡名流  
布滿舍衛城是有比丘少欲知足行頭陀  
聞是事心不喜向佛廣說佛以是事集比丘  
僧知而故問跋難陀汝實作是事不答言實  
作世尊佛以種種因緣呵責云何名比丘不  
知時不知量不知法若施者不知量受者應  
知量云何令是賈客嶮道中為賊所殺種種  
因緣呵已語諸比丘以十利故與諸比丘結

戒從今是戒應如是說若比丘往白衣家自  
恣請多與餅麩諸比丘須者應二三鉢取過  
是取者波逸提二三鉢取已出外與餘比丘  
共分是事應爾家者白衣舍名為家請多與  
有數數與餅者小麥麵作大麥麵作秬米麵  
作重華餅小重華餅如是比丘諸清淨餅麩  
者稻麩麥麩鉢者有三種上中下上鉢者受  
三鉢他飯一鉢他羹餘可食物半羹下餘者  
受一鉢他飯半鉢他羹餘可食物半羹若上  
下中是名中鉢出外與餘比丘共分者謂眼

所見波逸提者煮燒覆障若不悔過能障礙  
道是中犯者若比丘以上鉢取者應取一鉢  
不應取二鉢若取二鉢波逸提若以中鉢取  
者極多取二鉢不應取三若取三者波逸提  
若以下鉢取者極多取三鉢不應取四鉢若  
取四者波逸提出外見比丘與者善不與者  
突吉羅三十三事竟  
佛在舍衛國爾時長老迦留陀夷於夜暗時  
有小雨墮雷聲電光中入白衣家乞食時是  
家中有一洗器女人於電光中遙見迦留陀

夷身黑見已驚怖身毛皆豎即<sub>一</sub>喚言鬼來  
鬼來以怖畏故即便墮胎迦留陀夷言姊妹  
我是比丘非鬼也乞食故來時女人瞋以惡  
語麤語不淨語苦語語比丘言使汝父死母  
死種姓皆死使是沙門腹破禿沙門斷種人  
美三  
著黑弊衣何不利牛舌刀自破汝腹乃於  
四  
是夜暗黑雷電中乞食汝沙門乃作爾許惡  
我兒墮死令我身壞迦留陀夷於是家起如  
是過惡故即便出去以是事向諸比丘說諸  
比丘以是事向佛廣說佛以是事集比丘僧

知而故問迦留陀夷汝實作是事不答言實  
作世尊佛以種種因緣呵責云何名比丘非  
時入白衣家乞食佛言若比丘非時入白衣  
家何但得如是過罪當復更得過於是罪從  
今諸比丘應一食爾時諸比丘以一食故羸  
瘦無色無力佛見諸比丘羸瘦無色力知而  
故問阿難諸比丘何故羸瘦無色力阿難答  
言世尊結戒諸比丘應一食一食故諸比丘  
羸瘦無色力佛以是事集比丘僧種種因緣  
讚戒讚持戒讚戒讚持戒已語諸比丘從今

聽敢五種佉陀尼自恣食五種者謂根莖葉  
磨果爾時諸比丘入王舍城乞食食時有白  
衣以蘿菔葉胡荽葉蘿勒葉雜食與諸比丘  
諸比丘不食故不得飽滿復更羸瘦無色無  
力佛知故問阿難何故諸比丘羸瘦無色無  
力阿難答言世尊聽諸比丘取五種佉陀尼<sup>美三</sup>  
諸比丘入王舍城乞食時有白衣以蘿菔葉  
胡荽葉蘿勒葉雜食與諸比丘諸比丘不取  
不得飽故羸瘦無色無力佛聞已語諸比丘  
從今日聽自恣食五種善闍尼食謂飯麩糲

魚肉是諸比丘入王舍城乞食時諸白衣以  
蘿菔葉胡荽葉蘿勒葉雜食與諸比丘諸比  
丘不食復不飽故羸瘦無色力佛見諸比丘  
羸瘦無色力知而故問阿難何故諸比丘羸  
瘦無色無力阿難答言世尊聽食五種善闍  
尼食諸比丘入城乞食時得蘿菔葉胡荽葉  
蘿勒葉雜食與諸比丘諸比丘不食復不飽  
故羸瘦無色力佛言從今聽自恣食五種似  
食及隨所雜所謂糜粟麴麥羹子飯加師飯  
佛在維耶離爾時有一居士到佛所頭面作

禮足一面坐佛見居士一面坐已與說種種  
法示教利喜示教利喜已默然是居士聞佛  
種種因緣示教利喜已從座起合掌言願佛  
及僧受我明日食佛默然受居士知佛默然  
受已即禮佛足右繞而去還歸自舍通夜辦  
種種多美飲食晨起敷座處遣使白佛食具  
已辦佛自知時諸比丘僧往居士舍佛自房  
住迎食分居士知衆僧坐已自手行水自與  
種種多美飲食自恣飽滿爾時維耶離諸比  
丘多有看病比丘先於僧中食竟迎病比

丘食分去諸病比丘有食者有不食者有少  
食者是看病比丘先已食從坐處起更不得  
食諸病比丘多有殘食棄僧坊內是時多有  
烏鳥來噉是食作大音聲佛聞寺內多有烏  
鳥聲知而故問阿難何故僧坊內多有烏鳥  
聲阿難答言世尊是維耶離諸比丘多有病有  
看病比丘先於僧中食竟迎病比丘食分來  
諸病比丘有食者有不食者有少食者是看  
病比丘先已食從座處起更不得食諸病比  
丘多有殘食棄僧坊內有烏鳥來噉是食故

其三

六

作大音聲佛以是事集比丘僧種種因緣讚戒讚持戒讚戒讚持戒已語諸比丘從今以二利故聽受殘食法一者看病比丘因緣故二者比丘有因緣食不足故以十利故與諸比丘結戒從今是戒應如是說若比丘食竟起去不受殘食法若噉食者波逸提噉者五種佉陀尼食者五種苦闍尼五種似食波逸提者煮燒覆障若不悔過能障礙道是中犯者若比丘食竟從座起去不受殘食法若噉糧食波逸提若噉莖葉磨果皆波逸提若比

丘食竟起去不受殘食法若食飯者波逸提若食麩糲魚肉皆波逸提若比丘食竟從座起去不受殘食法若食糜飯粟飯麴麥飯著子飯加師飯皆波逸提從今聽受殘食法諸比丘不知云何受佛語諸比丘欲受殘食法者隨所能食多少盡著鉢中知餘比丘食未竟未起者從是人邊偏袒胡跪捉鉢言長老憶念與我作殘食法若前比丘不多少取是食者不名作殘食法若用是受殘食法若噉若食波逸提若持鉢著地受殘食法者不名

美三

十

受殘食法若用是受殘食若噉若食波逸提  
若以鉢著膝上受殘食法者不名為受若用  
是受殘食法者若噉若食皆波逸提若相去  
遠手不相及受殘食法者不名為受殘食法  
若用是受殘食法者若噉若食波逸提若以  
不淨食受殘食法者不名為受殘食法若用  
是受殘食法者若噉若食波逸提若以不淨  
肉受殘食法者不名為受若用是受殘食法  
者若噉若食波逸提若比丘欲噉五種佉陀  
尼時用五種菩闍尼受殘食法者不名為受

若用是受殘食法若噉若食波逸提若欲食  
五種菩闍尼食時用五種佉陀尼受殘食法  
者不名為受若用是受殘食法若噉若食波  
逸提若欲食五種似食時用五種菩闍尼受  
殘食法者不名為受若用是受殘食法若噉  
若食皆波逸提若比丘受殘食法若食餘五  
種食來若噉一一突吉羅長老優波離問佛  
言世尊比丘有幾處行時自恣幾住幾坐幾  
卧佛告優波離有五處比丘行時自恣五處  
立五處坐五處卧行有五者知行知供養知

遮食知種種食壞威儀立有五者知立知供  
養知遮食知種種食壞威儀坐有五者知坐  
知供養知遮食知種種食壞威儀卧有五者  
知卧知供養知遮食知種種食壞威儀佛復  
語優波離若比丘行洗口時有檀越與比丘  
五種食比丘應噉應食應行受殘食法不應  
立不應坐不應卧若立坐卧當知壞威儀不  
應受殘食法若受者不名為受若用是受殘  
食法若噉若食皆波逸提若比丘彼行洗口  
已有檀越與五種食比丘應噉應食應行受

殘食法不應立不應坐不應卧若立坐卧當  
知壞威儀不應受殘食法若受者不名為受  
若用是受殘食法若噉若食波逸提若比丘  
彼行食時有檀越與五種食比丘應噉應食  
應行受殘食法不應立不應坐不應卧若立  
坐卧當知壞威儀不應受殘食法若受者不  
名為受若用是受殘食法若噉若食波逸提  
若比丘彼行食已有檀越與五種食比丘應  
噉應食應行受殘食法不應立不應坐不應  
卧若立若坐卧當知壞威儀不應受殘食法

若受者不名為受若用是受殘食法若噉若  
食波逸提若立坐卧亦如是不犯者若比丘  
言小住若言日時早若歡粥飲食若一切中  
嚼食不犯事竟三十四

佛在舍衛國爾時憍薩羅國一住處有二比

二

美三

丘是一比丘破戒缺漏無有慚愧不護細戒  
第二比丘持戒清淨乃至小罪生大怖畏是  
清淨比丘見彼犯罪常語彼言汝今犯如是  
如是罪破戒比丘作是念我當何時見汝犯  
罪我當出之破戒比丘一時見持戒比丘食

已無自恣請故便從座起持菩闍尼食住陀  
尼食喚來共食持戒比丘不憶不嚼食便共  
噉食破戒比丘言長老汝得波逸提罪問言  
何等波逸提答言汝食已無自恣請便噉食  
持戒比丘言汝知我食已便無自恣請者何  
故喚我食耶答言汝常數數出我罪時我作  
是念何時見汝犯罪當即出之是故見汝食  
已無自恣請欲相惱故勸汝令食是中有比  
丘少欲知足行頭陀聞是事心不喜種種因  
緣呵責云何名比丘知他食已無自恣請欲

相惱故勸教令食種種呵已向佛廣說佛以是事集比丘僧知而故問是比丘汝實作是事不答言實作世尊佛以種種因緣呵責云何名比丘知他食已無自恣請欲相惱故勸教令食佛種種因緣呵已語諸比丘以十利故與諸比丘結戒從今是戒應如是說若比丘知他食已無自恣請欲相惱故勸令食善闍尼佉陀尼以是因緣無異者波逸提知者若比丘自知若從他知若彼比丘自說噉者五種佉陀尼五種善闍尼五種似食勸令食

者勤勤令食惱者以瞋恚心出其過罪波逸提者煮燒覆障若不悔過能障礙道是中犯者若比丘見餘比丘食竟無自恣請教噉者食莖葉磨食果食若教食五種善闍尼飯麩美三補魚肉若教食五十似食糜粟麴麥莠子加師小麥飯者皆波逸提復有比丘教餘比丘非時噉五種佉陀尼若彼噉者俱波逸提復有比丘教餘比丘非時食五種善闍尼若彼食者俱波夜提有比丘教餘比丘偷奪他物若偷奪者隨物俱得罪有比丘教餘比丘汝奪